



KATTUSSEQATIGIIT
KANDIDAT FORBUNDET

tlf. 299 94 46 53 fax 299 94 47 53

Postboks 74, 3952 Ilulissat –

Anthon Frederiksen

ulloq 06. januar 2006

Inatsisartut suleriaasiata § 36, imm. 1 naapertorlugu matumuuna naalackersuisunut apeqqut imaattoq saqqummiuppara:

(inatsisartunut ilaasortaq Anthon Frederiksen, Kattusseqatigiit partiat)

Naalackersuisunut apeqqut:

Naalackersuisut puisit amiinut tapiissutit amerlanerpaataasa Canada-miit puisit amiinik pisiniartarnermut suli atorneqarnissaat tapersorsorpaat –at ?

Naalackersuisut, Nunatsinni piniartut atukkamikkut ilungersunartorsioreeqisut suli artorsinneqarsinnaanerat pinngitsoortinniarlugu qanoq iliuuseqalersaarpat ? tassani Ippassaq 5. januar 2006 unnukkut dansk-it tv-avis-iatigut Canada-miit puisit anaaliinnarlugit toqorarneqartartut amiinik Nunatsinnut eqqussuineq pillugu nalunaarut pillugu iliuuseqarnissaq eqqarsaatigalugu.

Tungavilersuut:

Piniartortavut ukiorpassuannqulersuni pingaartumik uumasunik illersuiniatigitiit Nunatsinni piniarnermut tunngasunik pissutsinik ilaatigut paasisimasakinnerat pissutigalugu atungarliortinneqartartut Naalackersuisutingoortumik illersorneqarnerulernissaat eqqarsaatigalugu Nunarsuarmioqatitsinut paasititsiniaaneq annertunerusoq pisariaqarlunnarmat, minnerunngitsumillu aamma aningaasat puisit amiinut tapiissutaasartut Nunatsinni piniartunut amerlanerpaat atorneqarnerulernissaat anguniarlugu Naalackersuisut qanoq iliuuseqarniarnersut piaartumik paasissutissiisutigineqartariaqartoq Kattusseqatigiit partiat sinnerlugu matumuuna apeqquteqaatingaara.

Kattusseqatigiit partiani anguniarlugulu sulissutigiuassuarput sulissutiguarlugulu; Nunatsinni aningaasaliissutigineqartartut maani nunami atorluarneqarnerullutillu nunatsinni najungaqartunut iluaqutaanerumik atorneqartarnissaat.

Taamaattumik Naalackersuisunut ilanngullugu apeqqutiginiarpara; Naalackersuisut nunatsinni puisit amiinik tigooraasartut maannakkut 77-inik amerlassuseqarnerarneqartut pikkorissartinneqarnissaat, minnerunngitsumik puisit amiisa Nunatsinneersut suliarineqartarneranni pitsaasusaasa pitsaanerpaaffissaatilerlennissaat anguniarlugu pikkorissartitsisoqarsinnaaneranik qanoq isumaliutersuuteqarnerusut ilanngullugu akissuteqarfigneqarnissaat piimasaqaatingaara.

Tassami Kattusseqatigiit partiani akuersaarsinnaanngilluinnarparput; Nunatsinni piniartut atukkamikkut ilungersunarsingaluttuinnartunik atungassaqaartitaasut suli ajornerusunik atungassaqaartinneqalersinnaanerat, minnerunngitsumik aamma Canada-miit puisit amiinik Nunatta ammeriviata akuersaarneqarsinnaanngitsumik amminik eqqussuiuarnera

eqqarsaatigalugu.